

御纂醫宗金鑑

竹部

卷

三十九



御纂醫宗金鑑卷之三十九

編輯雜病心法要訣

中風總括

風從外中傷肢體。痰火內發。病心官。體傷不仁。與不用。心病。神昏不語言。當分中絡經府藏。更審虛實寒熱痰。脫證撒手爲脾絕。開口眼合是心肝。遺尿腎絕。鼾聲肺閉。證握固緊牙關。初以通關先取壅。痰壅不下吐爲先。

註

風謂虛邪賊風。從外而中。傷人四肢軀體。故名曰中風。痰火謂痰火從內而發。病人心主之官。故名曰痰火。體中風邪。輕則頑麻不仁。重則癱瘓不用。心病痰火。輕則舌強難



語重則痰壅神昏此證或內或外單病輕兼病重當細辨
其中絡中經中府中藏及中經絡兼中府藏併細審其證
虛兼實兼寒兼熱兼痰與夫脫證閉證之機探緩急而治
之凡初中宜先用通關散取嚏有嚏可治無嚏多死口噤
者用開關散擦牙軟之痰涎壅盛用諸吐法涌之若口噤
不開湯藥不能下咽者則將應服之藥隨引調如麪茶含
在不病人口內用葦管或筆管插入病人鼻孔使氣連藥
吹之其藥自能入咽不可用金器搗之恐傷齒也

按

中風一證分中血脈中府中藏始自李東垣中血脈者大
秦芫湯中府者小續命湯中藏者三化湯然從未見有三

化湯中藏之證。惟金匱書中分爲四證。曰絡。曰經。曰府。曰藏。其說最爲的當。可爲後世法。蓋口眼喎斜。肌膚不仁。邪在絡也。左右不遂。筋骨不用。邪在經也。昏不識人。便溺阻。隔邪在府也。神昏不語。脣緩涎出。邪在藏也。學者細閱諸家之論。自知不謬云爾。

中風死候

寸口脈平。中死。生氣獨絕。暴脫之。五藏幾息。呼吸泯。譬如墮溺。豈能期。脈來一息七八至。不大不小。尚能醫。大小浮。晝沉夜死。脈絕不至。死何疑。脫證並見。皆死候。額頭上竄氣長喘。喘汗如油。痰拽。肉脫。筋痛。髮枯直。

寸口脈平謂寸關尺脈俱平之人忽然卒中而死者皆因
中邪太甚閉塞心竅天真之氣不能與人之生氣相通則
獨絕於內也譬如墮跌溺水豈能預期其死耶脈來一息
七八至者不大不小雖困可消若大而無倫小而如織
主晝死沈主夜死不可治也五藏脫證若三藏四藏並見
及搖頭上竄等證皆死候也

通關散

開胃散

重鼻法

解語法

通關星皂細荷半。開闢烏梅冰片南。巴油紙皂烟熏鼻。龜尿香

下點難言。

註

通關散。南星皂角細辛薄荷生半夏爲末。吹鼻有嚏可治。

開關散。烏梅肉冰片生南星爲末。擦牙其噤可開。巴豆油

紙捲皂角末。燒烟熏入鼻內。人事自省。取龜尿點在舌下。

言語自易。

三聖散

瓜蒂散

金蠟散

五元散



巴礬丸

無汗吐逆防藜蓆。有汗瓜蒂入蠅全。重劑藜豆礬皂膽。痰壅吐以巴礬丸。

註

痰涎壅盛無汗表實。用三聖散。即防風藜蘆瓜蒂吐之。有

汗裏實。用瓜蒂散。即瓜蒂赤小豆。或用全蠅散。即瓜蒂散加全蠅吐之。此皆吐之輕劑也。甚則用五元散。乃藜蘆赤小豆。白礬皂角膽礬。巴礬丸。即巴豆枯白礬吐之。

烏藥順氣散

烏藥順氣實中絡。喝斜頑麻風注疼。麻黃枳桔烏蠶共。白芷乾

薑陳草芎。

註實中絡謂風邪中絡之人形氣實者也。喎斜口眼歪斜也。

頑麻肌膚麻木也。風注疼風氣攻注骨節疼也。是方用薑

枳殼桔梗烏藥殭蠶白芷陳皮乾薑甘草川芎也。

大秦芎湯

大秦芎湯虛中絡喎斜偏廢減參珍。秦芎生地石膏共羌獨防

芷細辛芩

註虛中絡謂風邪中絡之人形氣虛者也。偏廢謂半身不遂

也。減參珍謂八珍湯減去人參加入秦芎生地石膏羌活

獨活白芷防風細辛黃芩也。偏廢是中經之證而亦可治

之者。以此方能養血榮筋。爲久病風人調理之劑。



換骨丹

中經氣實。宜換骨。喝斜癱瘓。芷芎防。冰麝。硃香。槐。苦。味。仙。人。麻。首。蔓。蒼。桑。

註

中經氣實。謂風邪中經之人。形氣實也。癱左不用也。瘓右

不用也。換骨丹。白芷。川芎。防風。冰片。麝香。硃砂。木香。槐角。

苦參。五味子。威靈仙。人參。麻黃膏。何首烏。蔓荊子。蒼朮。桑

皮也。麻黃膏者。以麻黃熬成膏。和煎藥為丸。硃砂滾衣也。

小續命湯

小續命湯。虛經絡。八風五痺。總能全。麻。杏。桂。芍。通。營。衛。參。草。歸。

芎。氣。血。宜。風。淫。防。風。濕。淫。已。黃。芩。熱。淫。附。子。寒。春。夏。石。膏。知。母。



入秋冬桂附倍加添

註虛經絡謂風邪中經中絡之人形氣虛也。八風謂

邪風中人爲病也。五痺詳見痺門要訣中。

黃耆五物湯

黃耆五物虛經絡偏廢虛風無力難。心清語蹇因舌軟。舌強神
濁是火痰補衛黃耆起不用。益管芍桂棗薑煎。左加當歸下牛
膝。筋瓜骨虎附經添。

註黃耆五物湯治因虛召風中人經絡而病半身不遂者然

審其人若舌強難言神氣不清則是痰火爲病不宐此方
若心清語蹇舌軟無力難言者乃是營衛不足之病宐用



此方經曰。衛虛則不用。營虛則不仁。此方君黃耆而補衛。以起不用。臣桂枝白芍而益營。以治不仁。佐生薑大棗以和營衛也。不仁不用在右者屬氣。宜倍加黃耆。在左者屬血。則加當歸。在下兩腿兩膝軟者。則加牛膝。骨軟不能立者。則加虎骨。筋軟難於屈伸者。則加木瓜。周身或左或右。經絡不宜通者。則加炮附子。有寒者亦加之。此方屢試屢効者。其功力專於補外。所以不用人參補內。甘草補中也。

三化湯

搜風順氣丸

三化氣實風中府昏冒閉滿小承羌形氣俱虛及風燥搜風順氣自然康

註

氣實風中府謂風邪中府之人形氣實也昏冒謂神昏不知人也閉滿謂二便阻隔腹滿脹也小承羌謂小承氣湯厚朴枳實大黃加羌活卽三化湯也若其人形氣俱虛則當以搜風順氣丸緩緩治之自然康也久病風之人大便多結燥謂之風燥或用續命湯汗過三化湯下過津液枯乾以致結燥凡病不論中經絡藏府但有二便阻隔形氣不足難堪攻下者均宜此法以搜六府之風通腸胃中之氣二便自利矣

牛黃清心丸

牛黃清心實中藏。痰壅神昏不語言。口眼喎斜形氣俱。兩手握固繫牙關。

註

牛黃清心丸治風邪中藏之人。形氣俱實。其譫妄涎壅。神昏不能言語。口眼喎斜。形氣滿盛。兩手握固。牙關緊急。之閉證。皆可服之。

參附湯

參附湯治虛中藏。脣緩涎出不語言。昏不知人身偏廢。五脫證。見倍參煎。

註

參附湯。即人參附子也。治風邪中藏之人。形氣俱虛。其證

身緩不收。痰涎流出。神昏不語。身肢偏廢。或與五藏脫。並見。宜大倍人參先用。虛脫次治風邪可也。

千金還魂湯

經絡閉證。卒中惡。氣促神昏不識人。無汗拘急。身偏痛。肉桂麻草杏還魂。

註經絡閉證。謂風邪中經絡之閉證也。氣促。謂氣粗盛也。無汗。四肢拘急。身體偏痛。乃表邪固閉。宜用肉桂麻黃甘草杏仁。即還魂湯以開之。

奪命散

藏府閉證。腹滿閉。昏。瘰痰結在喉間。危急湯藥不能下。奪命已。



芷半葶南

註

藏府閉證。謂風邪中藏府之閉證也。腹滿閉。謂腹滿二便

閉也。兼之神昏口噤不開。結痰喉間不下。宜用是方。吐下

之。巴豆白芷半夏葶蘆主。南星也。

三生飲

三生飲治中風寒。厥逆沉伏。涌氣痰。星香烏附俱生用。氣虛加

參脫倍添。

詞中風寒。謂不論經絡藏府。風邪中藏寒之人也。厥逆。謂四

肢冷也。沉伏。謂六脈沉伏也。是方生南星。生川烏。生附子。

木香也。惟寒盛氣實者宜之。若氣虛者。加人參。虛極將脫。



者大倍人參始可用之而無倒戈之害也

祛風至寶湯

祛風至寶中風熱浮數面赤熱而煩通聖加蠟天麻細辛附子
獨連蘗蠶

註

中風熱謂不論經絡藏府風邪中府熱之人也浮數謂六

脈浮數也熱而煩謂身熱心煩也通聖謂防風通聖散方
中加全蠍天麻細辛白附羌活獨活黃蘗黃連廼蠶也防
風通聖散詳在傷寒門

青州白丸子

青州白丸中風痰喘斜癱痰湧痰涎小兒驚痰爲妙藥白附烏



星半夏丸

註中風痰謂不論經絡藏府風邪中表有痰飲之人也

涎謂痰涎湧盛也是方生白附子生川烏生南星生半夏

法製爲丸也

羌活愈風湯

羌活愈風治外中手足無力語出難肌肉微掣不仁用大秦羌湯參再添官桂黃耆杜防已知枳柴荷蔓蔞薊蒼蘇半朴杞地骨調理諸風症可安

註治外中謂風從外中之病也此病之來必有无兆如手足

無力語言蹇澁時有肌肉微動牽掣大指次指麻木不用

